

თბილისის მუნიციპალიტეტის საკრებულო

ურბანული დაგეგმარებისა და საქალაქო მეურნეობის კომისიის სხდომის

ოქმი #3

ქ. თბილისი

2021 წელი, 24 დეკემბერი, 11:00 საათი

სხდომას ესწრებოდნენ კომისიის წევრები:

რევაზ სოხაძე, გიორგი ტყემალაძე, ზურაბ აბაშიძე, ნიკოლოზ კახეთელიძე, კონსტანტინე ზარნაძე, გივი ჩხარტიშვილი, ლილე ლიპარტელიანი, მამუკა გუგუშაშვილი, მიხეილ კაკაურიძე, ზაზა თავაძე

სხდომას არ ესწრებოდა კომისიის წევრი: მიხეილ კაკაურიძე (03-032135727 – 23/12/2021)

სხდომის თავმჯდომარე: რევაზ სოხაძე

სხდომის მუშაობაში მონაწილეობდნენ:

გაიოზ თალაკვაძე - თბილისის მუნიციპალიტეტის მერიის საფინანსო საქალაქო სამსახურის უფროსი

გიორგი აბუთიძე - თბილისის მუნიციპალიტეტის მერიის ინფრასტრუქტურის განვითარების საქალაქო სამსახურის უფროსი

თემურ ბოლოთაშვილი - ქალაქ თბილისის მუნიციპალიტეტის ს.ს.ი.პ. - ქალაქ თბილისის მუნიციპალიტეტის არქიტექტურის სამსახურის უფროსი

ვიქტორ წილოსანი - ს.ს.ი.პ. ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს უფროსი

ლევან ჯღარკავა - ა.ა.ი.პ. თბილისის განვითარების ფონდის დირექტორი

რომეო მიქაუტაძე - შ.პ.ს. თბილსერვის ჯგუფის დირექტორი

№	ს ა კ ი თ ხ ი ს დ ა ს ა ხ ე ლ ე ბ ა
1.	ქალაქ თბილისის მუნიციპალიტეტის 2022 წლის ბიუჯეტის დამტკიცების შესახებ (საკრებულოს №12-032134435-03 10.12.2021)
2.	საკურატორო სამსახურების (თბილისის მუნიციპალიტეტის მერიის ინფრასტრუქტურის განვითარების საქალაქო სამსახური; ს.ს.ი.პ. ქალაქ თბილისის მუნიციპალიტეტის ტრანსპორტისა და ურბანული განვითარების სააგენტო; ა.ა.ი.პ. თბილისის განვითარების ფონდი; შ.პ.ს. თბილსერვის ჯგუფი; ქალაქ თბილისის მუნიციპალიტეტის ს.ს.ი.პ. - ქალაქ თბილისის მუნიციპალიტეტის არქიტექტურის სამსახური) მომავალი წლის ბიუჯეტის პროექტით განსაზღვრული დაგეგმილი სამუშაოების მოსმენის შესახებ

კომისიის თავმჯდომარე ბატონი რევაზ სოხაძე მიესალმა კომისიის წევრებს და სხდომა გახსნილად გამოაცხადა.

ურბანული დაგეგმარებისა და საქალაქო მეურნეობის კომისიამ დღის წესრიგი დაამტკიცა.

1. ქალაქ თბილისის მუნიციპალიტეტის 2022 წლის ბიუჯეტის დამტკიცების შესახებ (საკრებულოს №12-032134435-03 10.12.2021)

საკითხი წარმოადგინა თბილისის მუნიციპალიტეტის მერიის საფინანსო საქალაქო სამსახურის უფროსმა გაიოზ თალაკვაძემ. მისი თქმით, ქალაქ თბილისის მუნიციპალიტეტის 2022 წლის ბიუჯეტის პროექტის მოცულობა განისაზღვრა 1 305 418,2 ათასი ლარით, რაც 2021 წლის დამტკიცებულ ბიუჯეტთან (1 050 302,5 ათასი ლარი) მიმართებაში გაზრდილია 255 115,7 ათასი ლარით, ხოლო 2022 წლის პირველად წარდგენილ ბიუჯეტის პროექტთან შედარებით გაზრდილია 105 501,2 ათასი ლარით. აღნიშნული გამოწვეულია საკუთარი შემოსულობების დაზუსტების, საქართველოს პარლამენტში „საქართველოს 2022 წლის სახელმწიფო ბიუჯეტის პროექტის“ მესამე წარდგენის და საქართველოს ფინანსთა სამინისტროდან მიმდინარე წლის 3 დეკემბერს მიღებული წერილის (N04-03/143397) გათვალისწინებით, რომლის თანახმად იზრდება დამატებული ღირებულების გადასახადი 5 501,2 ათასი ლარით, სხვა შემოსავლები (პარკირების მართვის უფლების გადაცემიდან მისაღები შემოსავლები) 30 000,0 ათასი ლარით, სახელმწიფო ბიუჯეტიდან კაპიტალური სპეციალური ტრანსფერის სახით ქალაქ თბილისის მუნიციპალიტეტს დამატებით გამოეყოფა 50 000,0 ათასი ლარი, ხოლო არაფინანსური აქტივების კლებიდან მისაღები შემოსავლები იზრდება 20 000,0 ათასი ლარით. ასევე, დაზუსტდა სახელმწიფო ბიუჯეტიდან სხვა კაპიტალური გრანტების სახით (43,500.0 ათასი ლარი) გამოყოფილი სესხის მომსახურების ფარგლებში ჭკვიანი სატრანსპორტო სისტემის (KfW) დანერგვისთვის დამატებული ღირებულების გადასახადის დასაფარად მისაღები შემოსავლები - 3,500,0 ათასი ლარით, თბილისის მეტროს პროექტის (EBRD) სესხის მომსახურების ფარგლებში დამატებული ღირებულების გადასახადის შემცირების ხარჯზე. გაზრდილი ფინანსური რესურსისა და პროგრამის - „მეტის სიცოცხლე ყველა უბანში“ გათვალისწინებით, ქალაქ თბილისის მუნიციპალიტეტის 2022 წლის ბიუჯეტის პროექტით ასიგნებები მიიმართება შემდეგ პრიორიტეტებზე: სატრანსპორტო ინფრასტრუქტურის მშენებლობა - აღდგენა - 262,892.5 ათასი ლარი; ინფრასტრუქტურის ობიექტების მშენებლობა, ექსპლოატაცია და ავარიული შენობების გამაგრება/ჩანაცვლება - 259 782,6 ათასი ლარი; ეკოლოგიური მდგომარეობის შენარჩუნება და გაუმჯობესება - 167 317,1 ათასი ლარი; ეკონომიკის განვითარების ხელშეწყობა - 1 845,0 ათასი ლარი; ბინათმესაკუთრეთა ამხანაგობების განვითარება - 41 115,2 ათასი ლარი; ჯანმრთელობის დაცვა და სოციალური უზრუნველყოფა - 176 777,0 ათასი ლარი; განათლება - 208 486,9 ათასი ლარი; კულტურა, სპორტი და ახალგაზრდობა - 48 805,5 ათასი ლარი; 2 საზოგადოებრივი წესრიგი და უსაფრთხოება - 5 217,8 ათასი ლარი. ქ. თბილისის წარმომადგენლობითი და აღმასრულებელი ორგანოები - 133 178,9 ათასი ლარი. ბ) პროექტის საფინანსო-ეკონომიკური გაანგარიშება: ქალაქ თბილისის მუნიციპალიტეტის 2022 წლის ბიუჯეტის შემოსავლების საპროგნოზო მაჩვენებელი განისაზღვრა 1 230 318,2 ათასი ლარის ოდენობით, რაც 2021 წლის დამტკიცებულ მაჩვენებელთან (1 020 159,3 ათასი ლარი) შედარებით გაზრდილია 210 158,9 ათასი ლარით, ხოლო ბიუჯეტის პროექტის პირველ ვერსიასთან შედარებით გაზრდილია 85 501,2 ათასი ლარით. მათ შორის: გადასახადები 757 869,4 ათასი ლარი (2021 წლის დამტკიცებულ

ბიუჯეტთან მიმართებაში გაზრდილია 100 513,6 ათასი ლარით, ხოლო პირველად წარდგენილ პროექტთან მიმართებაში - 5 501,2 ათასი ლარით მეტია). მათ შორის: - დამატებული ღირებულების გადასახადიდან მისაღები შემოსავალი შეადგენს 547 869,4 ათას ლარს (2021 წლის დამტკიცებულ მაჩვენებელთან მიმართებაში გაზრდილია 80 513,6 ათასი ლარით, ხოლო პირველ წარდგენილ პროექტთან მიმართებაში - 5 501,2 ათასი ლარით მეტია). - საწარმოთა ქონებაზე გადასახადი 174 000,0 ათასი ლარი (2021 წლის დამტკიცებულ მაჩვენებელთან მიმართებაში გაზრდილია 14 000,0 ათასი ლარით); - ფიზიკურ პირთა ქონებაზე გადასახადი 20 000,0 ათასი ლარი (2021 წლის დამტკიცებულ მაჩვენებელთან მიმართებაში გაზრდილია 1 000,0 ათასი ლარით); - მიწაზე ქონების გადასახადი 16 000,0 ათასი ლარი. გრანტები 269 005,0 ათასი ლარი (2021 წლის დამტკიცებულ ბიუჯეტთან მიმართებაში გაზრდილია 13 068,9 ათასი ლარით, ხოლო პირველად წარდგენილ პროექტთან მიმართებაში - 50 000,0 ათასი ლარით მეტია). მათ შორის: - მიზნობრივი ტრანსფერი დელეგირებული უფლებამოსილების განსახორციელებლად 505,0 ათასი ლარი (გადამდებ დაავადებათა ეპიდემიოლოგიური კონტროლისათვის); - სახელმწიფო ბიუჯეტიდან მისაღები სპეციალური ტრანსფერი 225 000,0 ათასი ლარი, რაც პირველ წარდგენილ პროექტთან მიმართებაში - 50 000,0 ათასი ლარით მეტია (თბილისის მასშტაბით არსებულ ქუჩებზე გზების კაპიტალური შეკეთების სამუშაოები; ხიდების და გვირაბების მოწყობა/რეაბილიტაციის სამუშაოები, თბილისის მასშტაბით რკ/ ბეტონის და გაბიონის საყრდენი კედლების მოწყობის, სანიაღვრე და საკანალიზაციო ქსელების მოწყობარეკონსტრუქცია, სანიაღვრე კოლექტორების მშენებლობა/ რეაბილიტაციის სამუშაოები; ავარიული სახლების ჩანაცვლება; M2 კატეგორიის ავტობუსების შეძენა; ვაკის პარკის კასკადისა და შადრევნების და ზღვის უბნის პარკის სარეაბილიტაციო სამუშაოები; ბაგაბალების და სპორტული ობიექტების მშენებლობა-რეაბილიტაციის სამუშაოები; პროექტირების, მსხვილი არეალების რეაბილიტაციის, ისტორიულ-კულტურული ძეგლების და სხვა შენობების, ისტორიული სადარბაზოების და მუზეუმების რეაბილიტაციის სამუშაოები და სხვა). 3 - სხვა კაპიტალური გრანტები სახელმწიფო ბიუჯეტიდან - 43 500,0 ათასი ლარი (თბილისის მყარი ნარჩენების პროექტის სესხის მომსახურების ფარგლებში დამატებული ღირებულების გადასახადის გადასახდელად - 5 500,0 ათასი ლარი, თბილისის ავტობუსების პროექტის სესხის მომსახურების II ფაზის ფარგლებში დამატებული ღირებულების გადასახადის გადასახდელად - 3 750,0 ათასი ლარი, თბილისის ავტობუსების პროექტის სესხის მომსახურების III ფაზის ფარგლებში დამატებული ღირებულების გადასახადის გადასახდელად - 11 250,0 ათასი ლარი, თბილისის მეტროს პროექტის ფარგლებში დამატებული ღირებულების გადასახადის გადასახდელად - 17 500,0 ათასი ლარი, ჭკვიანი სატრანსპორტო სისტემის (KfW) დანერგვის პროექტის ფარგლებში დამატებული ღირებულების გადასახადი - 3 500,0 ათასი ლარი, საცხოვრებლად ვარგისი ქალაქების საინვესტიციო პროგრამის ფარგლებში დამატებული ღირებულების გადასახადის გადასახდელად - 2 000,0). სხვა შემოსავლები 203 443,8 ათასი ლარი (2021 წლის დამტკიცებულ ბიუჯეტთან მიმართებაში გაზრდილია 46 576,4 ათასი ლარით, ხოლო პირველ წარდგენილ პროექტთან მიმართებაში - 30 000,0 ათასი ლარით მეტია). მათ შორის: - შემოსავალი საკუთრებიდან - 6 000,0 ათასი ლარი; - სათამაშო ბიზნესის მოსაკრებელი - 50 000,0 ათასი ლარი; - მოსაკრებელი დასახლებული ტერიტორიის დასუფთავებისათვის - 48 000,0 ათასი ლარი; - სანქციები (ჯარიმები და საურავები) - 50 000,0 ათასი ლარი; - სხვადასხვა შემოსავლები - 49 443,8 ათასი ლარი. ბიუჯეტის პროექტის გადამუშავებულ ვარიანტში ქალაქ თბილისის მუნიციპალიტეტის 2022 წლის ბიუჯეტის ხარჯები განსაზღვრულია - 982 943,0 ათასი ლარით, მათ შორის: შრომის ანაზღაურება 87 417,2 ათასი ლარით, საქონელი და მომსახურების მუხლით გათვალისწინებულია 161 383,4 ათასი ლარი, პროცენტი 11 079,9 ათასი ლარი, სუბსიდიები 321

742,2 ათასი ლარი, გრანტები 485,7 ათასი ლარი, სოციალური უზრუნველყოფა 168 829.9 ათასი ლარი, სხვა ხარჯები 232 005,2 ათასი ლარით. ბიუჯეტის საოპერაციო სალდო განისაზღვრა 247 375,2 ათასი ლარით. წარმოდგენილი პროექტით არაფინანსური აქტივების ცვლილება შეადგენს - 226 844,6 ათას ლარს, მათ შორის: - არაფინანსური აქტივების ზრდა - 301 844,6 ათასი ლარი. - არაფინანსური აქტივების კლება - 75 000,0 ათასი ლარი, რაც პირველ წარდგენილ პროექტთან მიმართებაში გაზრდილია 20 000,0 ათასი ლარით (მათ შორის საცხოვრებელი სახლების ფართის გაყიდვიდან - 5 000,0 ათასი ლარი). ფინანსური აქტივების ცვლილების მაჩვენებელი უცვლელია და განსაზღვრულია (100,0) ათასი ლარით, რაც შეადგენს ფინანსური აქტივების კლებას. 4 ვალდებულებების ცვლილების მაჩვენებელი უცვლელია და განსაზღვრულია (20 630,6) ათასი ლარით, რომელიც მთლიანად ვალდებულებების კლებას შეადგენს. 2022 წლისათვის ბიუჯეტის მთლიანი სალდო განისაზღვრა 20 530,6 ათას ლარით, რაც ნიშნავს რომ ქალაქ თბილისის მუნიციპალიტეტის 2022 წლის ბიუჯეტი არის პროფიციტური. ქალაქ თბილისის მუნიციპალიტეტის 2022 წლის ბიუჯეტის ასიგნებები შეადგენს 1 305 418,2 ათას ლარს, რაც 2021 წლის დამტკიცებულ ბიუჯეტთან (1 050 302,5 ათასი ლარი) შედარებით გაზრდილია 255 115,7 ათასი ლარით, ხოლო ბიუჯეტის პროექტის წინა ვერსიასთან (1 199 917,0 ათასი ლარი) შედარებით გაზრდილია 105 501,2 ათასი ლარით, მათ შორის: სატრანსპორტო ინფრასტრუქტურის მშენებლობა - აღდგენა - 262 892,5 ათასი ლარით, რაც 2021 წლის დამტკიცებულ ბიუჯეტთან (174 263,8 ათასი ლარი) შედარებით გაზრდილია 88 628,7 ათასი ლარით, ხოლო პირველ წარდგენილ პროექტთან მიმართებაში - 38 158,5 ათასი ლარით მეტია. მათ შორის: გზების მშენებლობა და აღდგენა (კოდი 01 01 08) ქვეპროგრამის ასიგნებები იზრდება - 2 500,0 ათასი ლარით, სატრანსპორტო ინფრასტრუქტურის მოწესრიგების ღონისძიებები (კოდი 01 02 01) - 9 500,0 ათასი ლარით (მათ შორის ჭკვიანი სატრანსპორტო სისტემის (KfW) დანერგვისთვის დამატებული ღირებულების გადასახადებლად 3 500,0 ათასი ლარი თბილისის მეტროს პროექტის (EBRD) სესხის მომსახურების ფარგლებში დამატებული ღირებულების გადასახადის შემცირების ხარჯზე), საქალაქო სამგზავრო ტრანსპორტის სუბსიდია (კოდი 01 02 05) - 29 729,3 ათასი ლარით; ინფრასტრუქტურის ობიექტების მშენებლობა, ექსპლუატაცია და ავარიული მშენებების გამაგრება/ჩანაცვლება - 259 782,6 ათასი ლარით, რაც 2021 წლის დამტკიცებულ ბიუჯეტთან (194 636,5 ათასი ლარი) შედარებით გაზრდილია 65 146,1 ათასი ლარით, ხოლო პირველ წარდგენილ პროექტთან მიმართებაში - 23 720,0 ათასი ლარით მეტია. მათ შორის: საინჟინრო ნაგებობების და ინფრასტრუქტურის ობიექტების მშენებლობა და აღდგენარეკონსტრუქცია (კოდი 02 01) პროგრამის ასიგნებები იზრდება - 14 000,0 ათასი ლარით, გარე განათების ქსელის ექსპლუატაცია და რეაბილიტაცია (კოდი 02 05) - 6 000,0 ათასი ლარით, ქალაქის განვითარების ხელშეწყობა (კოდი 02 10) - 3 720,0 ათასი ლარით; ეკოლოგიური მდგომარეობის შენარჩუნება და გაუმჯობესება - 167 317,1 ათასი ლარით, რაც 2021 წლის დამტკიცებულ ბიუჯეტთან (148 944,1 ათასი ლარი) შედარებით გაზრდილია 18 373,0 ათასი ლარით, ხოლო პირველ წარდგენილ პროექტთან მიმართებაში - 28 500,0 ათასი ლარით მეტია. მათ შორის: გამწვანების ღონისძიებები (კოდი 03 01) პროგრამის ასიგნებები იზრდება - 28 500,0 ათასი ლარით; ეკონომიკის განვითარების ხელშეწყობა - 1 845,0 ათასი ლარით, რაც 2021 წლის დამტკიცებულ ბიუჯეტთან (4 164,4 ათასი ლარი) შედარებით შემცირებულია 2 319,4 ათასი ლარით; ბინათმესაკუთრეთა ამხანაგობების განვითარება - 41 115,2 ათასი ლარი, რაც 2021 წლის დამტკიცებულ ბიუჯეტთან (39 157,3 ათასი ლარი) შედარებით გაზრდილია 5 1 957,9 ათასი ლარით. ასევე, პრიორიტეტის ფარგლებში შიდა გადაანაწილების ხარჯზე გაიზარდა ბინათმესაკუთრეთა ამხანაგობების განვითარების ხელშეწყობა კრწანისის რაიონში (კოდი 05 01 16) ქვეპროგრამის ასიგნებები - 1 000,0 ათასი ლარით; ჯანმრთელობის დაცვა და სოციალური

უზრუნველყოფა - 176 777,0 ათასი ლარით, რაც 2021 წლის დამტკიცებულ ბიუჯეტთან მიმართებაში (154 136,0 ათასი ლარი) გაზრდილია 22 641,0 ათასი ლარით, ხოლო პირველ წარდგენილ პროექტთან მიმართებაში - 290,0 ათასი ლარით მეტია. მათ შორის: სოციალური მზრუნველობის სააგენტოს ხელშეწყობა (კოდი 06 02 07) ქვეპროგრამის ასიგნებები იზრდება - 290,0 ათასი ლარით; განათლება - 208 486,9 ათასი ლარით, რაც 2021 წლის დამტკიცებულ ბიუჯეტთან მიმართებაში (175 094,0 ათასი ლარი) გაზრდილია 33 392,9 ათასი ლარით, ხოლო პირველ წარდგენილ პროექტთან მიმართებაში - 5 800,0 ათასი ლარით მეტია. მათ შორის: სკოლამდელი აღზრდის დაწესებულებების ხელშეწყობა (კოდი 07 01 02) ქვეპროგრამის ასიგნებები იზრდება - 5 000,0 ათასი ლარით, საზოგადოების განათლებისა და ინფორმირების ხელშეწყობა (კოდი 07 02 03) - 800,0 ათასი ლარით; კულტურა, სპორტი და ახალგაზრდობა - 48 805,5 ათასი ლარით, რაც 2021 წლის დამტკიცებულ ბიუჯეტთან მიმართებაში (47 355,8 ათასი ლარი) გაზრდილია 1 449,7 ათასი ლარით, ხოლო პირველ წარდგენილ პროექტთან მიმართებაში - 5 000,0 ათასი ლარით მეტია. მათ შორის: სპორტული დაწესებულებების მატერიალურ-ტექნიკური ბაზის გაუმჯობესება და მშენებლობა (კოდი 08 06 04) ქვეპროგრამის ასიგნებები იზრდება - 5 000,0 ათასი ლარით; საზოგადოებრივი წესრიგი და უსაფრთხოება - 5 217,8 ათასი ლარით, რაც 2021 წლის დამტკიცებულ ბიუჯეტთან (4 402,3 ათასი ლარი) შედარებით გაზრდილია 815,5 ათასი ლარით; ქ. თბილისის წარმომადგენლობითი და აღმასრულებელი ორგანოები - 133 178,9 ათასი ლარით. რაც 2021 წლის დამტკიცებულ ბიუჯეტთან მიმართებაში (108 148,4 ათასი ლარი) გაზრდილია 25 030,5 ათასი ლარით, ხოლო პირველ წარდგენილ პროექტთან მიმართებაში - 4 052,6 ათასი ლარით მეტია. მათ შორის: მერიის ადმინისტრაცია (კოდი 10 02) პროგრამის ასიგნებები იზრდება - 3 000,0 ათასი ლარით, მუნიციპალური შესყიდვების საქალაქო სამსახური (კოდი 10 06) - 141,9 ათასი ლარით, უსაფრთხოების საქალაქო სამსახური (კოდი 10 13) - 620,0 ათასი ლარით, სსიპ ქალაქ თბილისის მუნიციპალიტეტის ტრანსპორტისა და ურბანული განვითარების სააგენტო (კოდი 10 18) - 200,0 ათასი ლარით, გლდანის რაიონის გამგეობა (კოდი 10 27) - 11,0 ათასი ლარი, ნაძალადევის რაიონის გამგეობა (კოდი 10 28) - 11,0 ათასი ლარი, დიდუბის რაიონის გამგეობა (კოდი 10 29) - 5,5 ათასი ლარი, ჩუღურეთის რაიონის გამგეობა (კოდი 10 30) - 5,5 ათასი ლარი, ვაკის რაიონის გამგეობა (კოდი 10 31) - 11,0 ათასი ლარი, საბურთალოს რაიონის გამგეობა (კოდი 10 32) - 8,2 ათასი ლარი, ისნის რაიონის გამგეობა (კოდი 10 33) - 8,2 ათასი ლარი, სამგორის რაიონის გამგეობა (კოდი 10 34) - 13,8 ათასი ლარი, კრწანისის რაიონის გამგეობა (კოდი 10 35) - 5,5 ათასი ლარი, მთაწმინდის რაიონის გამგეობა (კოდი 10 36) - 11,0 ათასი ლარი. ასევე, პრიორიტეტის ფარგლებში შიდა გადანაწილების ხარჯზე გაიზარდა ქ.თბილისის საკრებულო (კოდი 10 01) პროგრამის ასიგნებები - 200,0 ათასი ლარით. 6 გარდა ამისა, ქალაქ თბილისის მუნიციპალიტეტის 2022 წლის ბიუჯეტის პროექტს ახლავს ქალაქ თბილისის მუნიციპალიტეტის 2022-2025 წლების პრიორიტეტების დოკუმენტი და ინფორმაციული ხასიათის დანართები: დანართი 1 - პროგრამული ბიუჯეტის შესახებ (დეტალური ინფორმაცია პროგრამის/ ქვეპროგრამის ფარგლებში განსახორციელებელი ღონისძიებების შესახებ), დანართი 2 - კაპიტალური პროექტების შესახებ, დანართი 3 - პროგრამების/ქვეპროგრამების განმახორციელებელი ორგანიზაციების შესახებ, დანართი 4 - სხვა ხარჯების შესახებ, დანართი 5 - ქალაქ თბილისის მუნიციპალიტეტის სსიპ-ებისა და ა(ა)იპ-ების ბიუჯეტების შესახებ, დანართი 6 - ქალაქ თბილისის მუნიციპალიტეტის 2021 წლის ბიუჯეტის 9 თვის შესრულების მიმოხილვის შესახებ. აღსანიშნავია, რომ 2019 წლიდან დასახული იქნა გენდერულად ორიენტირებული მუნიციპალური ბიუჯეტის ფორმირება და აღნიშნული პოლიტიკის წარმოებამ ხელი შეუწყო გენდერული საკითხების ინტეგრირებას ბიუჯეტით გათვალისწინებულ პროგრამებში/ ქვეპროგრამებში. შესაბამისად, ქალაქ თბილისის

მუნიციპალიტეტის 2022 წლის ბიუჯეტის პროექტში გამოყენებულია თანასწორობის პოლიტიკის განხორციელების მექანიზმი, რომელიც გულისხმობს საბიუჯეტო პროცესში გენდერული ასპექტების ჩართვას. ასევე, წარმოდგენილ ბიუჯეტის პროექტის გადამუშავებულ ვერსიაში, „ქალაქ თბილისის მუნიციპალიტეტის 2022 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს დადგენილების პროექტზე ქალაქ თბილისის მუნიციპალიტეტის საკრებულოს კომისიების, ფრაქციების და დამოუკიდებელი წევრების გამოთქმული შენიშვნების/რეკომენდაციების უმეტესი ნაწილი გათვალისწინებულია.

კომისიის წევრის გიორგი ტყემალაძის განმარტებით: დღეს მტკიცდება ბიუჯეტი, რომელიც უპრეცედენტოდ მაღალი ნიშნულით არის განსაზღვრული, მილიარდ 305 მილიონი ლარით. ეს არის კიდევ უფრო გაზრდილი, კიდევ უფრო მეტი სოციალური თუ ჯანდაცვის პროექტი. ვფიქრობ, მაქსიმალურად არის დაბალანსებული ყველა ის პრიორიტეტი, რომელიც განსაზღვრული იყო. რაც შეეხება ტარიფებს, მინდა გითხრათ, რომ ჩვენ შემოგვაქვს ახალი სააბონენტო სისტემა. თუ რომელიმე მოქალაქე ისარგებლებს ერთჯერადი ბილეთით, მათთვის შეიძლება იყოს, რომ ტარიფი გაძვირდა, მაგრამ სააბონენტო სისტემის მთელი სიკეთე რაში მდგომარეობს - თითოეულ აქტიურ მომხმარებელს ეძლევა შესაძლებლობა, ტარიფი არათუ გაიზარდოს, არამედ გაიადფდეს. რაც უფრო აქტიური იქნება მოქალაქე საზოგადოებრივი ტრანსპორტით მგზავრობით, მით უფრო ნაკლები იქნება ტრანსპორტის ფასი.

ხმის მიცემისგან თავი შეიკავეს კომისიის წევრებმა - ლილე ლიპარტელიანმა და მამუკა გუგუშაშვილმა.

ურბანული დაგეგმარებისა და საქალაქო მეურნეობის კომისიას მიაჩნია, საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის, „ა“ ქვეპუნქტის, 24-ე მუხლის, 1 პუნქტის, „დ.ა“ ქვეპუნქტის, 89-ე მუხლიდან გამომდინარე, აღნიშნული პროექტი გატანილ იქნას საკრებულოს უახლოეს სხდომაზე დასამტკიცებლად.

2. საკურატორო სამსახურების (თბილისის მუნიციპალიტეტის მერიის ინფრასტრუქტურის განვითარების საქალაქო სამსახური; ს.ს.ი.პ. ქალაქ თბილისის მუნიციპალიტეტის ტრანსპორტისა და ურბანული განვითარების სააგენტო; ა.ა.ი.პ. თბილისის განვითარების ფონდი; შ.პ.ს. თბილსერვის ჯგუფი; ქალაქ თბილისის მუნიციპალიტეტის ს.ს.ი.პ. - ქალაქ თბილისის მუნიციპალიტეტის არქიტექტურის სამსახური) მომავალი წლის ბიუჯეტის პროექტით განსაზღვრული დაგეგმილი სამუშაოების მოსმენის შესახებ

კომისიის სხდომაზე სამსახურების მიერ წარმოდგენილ იქნა თბილისის მუნიციპალიტეტის 2022 წლის ბიუჯეტით გათვალისწინებული ძირითადი პროექტები და გეგმები.

პარალელურად სამსახურების მოსმენა კითხვა-პასუხის რეჟიმში წარიმართა, ძირითადი კითხვები იყო ს.ს.ი.პ. ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოსა და შ.პ.ს. თბილსერვის ჯგუფის მიმართ.

კომისიის წევრმა ლილე ლიპარტელიანმა კითხვით მიმართა ს.ს.ი.პ. ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოს უფროსს ვიქტორ

წილოსანს, დაგეგმილ სატრანსპორტო ტარიფების გაზრდასთან დაკავშირებით და ითხოვა განმარტება, თუ რატომ ხდება ტარიფის გაზრდა, როდესაც მოსახლეობის უმრავლესობა არის შეჭირვებული და ეს იქნება უდიდესი წნეხი მათი ბიუჯეტისთვის.

ვიქტორ წილოსანის განმარტებით - არასწორად მოხდა აღნიშნული ცვლილების გაგება. მოგახსენებთ რომ, გადახდის ახალი სისტემა ყველა სახის საზოგადოებრივ ტრანსპორტს – მეტროს, ავტობუსებსა და მიკროავტობუსებს გააერთიანებს. ავტობუსებით, მეტროთი და ლურჯი მიკროავტობუსებით 90 წუთის განმავლობაში ულიმიტო მგზავრობის ღირებულება ახლანდელ ტარიფთან შედარებით 2-ჯერ გაიზრდება და 1 ლარი გახდება. რაც შეეხება ყვითელ მიკროავტობუსებს, მგზავრობის ამჟამინდელი ტარიფი 0.80 ლარია. გარდა ამისა, მგზავრებს ერთდღიანი, ერთკვირიანი, ერთთვიანი, სამთვიანი, ექვსთვიანი და ერთწლიანი ულიმიტო ბარათებით სარგებლობის შესაძლებლობაც ექნებათ. ერთდღიანი ულიმიტო სამგზავრო ბარათის ღირებულება 3 ლარი, ერთკვირიანის კი – 20 ლარი იქნება. ამასთან, ერთთვიანი სამგზავრო ბარათი 40 ლარი, სამთვიანი 100 ლარი, ექვსთვიანი 150 ლარი, ერთწლიანი კი 250 ლარი ეღირება. დედაქალაქის მერის თქმით, ერთთვიანი სამგზავრო ბარათით საზოგადოებრივი ტრანსპორტის ყველაზე აქტიურ მომხმარებლებისთვის მნიშვნელოვანი შეღავათი იქნება და ისინი თვის განმავლობაში საშუალოდ 10-20 ლარამდე დაზოგავენ. გარდა ამისა, უფასო და შეღავათიანი მგზავრობით მომხმარებელთა რამდენიმე კატეგორია ისარგებლებს. ესენია – თბილისში რეგისტრირებული უსინათლოები, მათი თანმხლები და გამცილებელი პირები; მოსწავლეები; უბნის ინსპექტორები და დედაქალაქის პოლიციის დეპარტამენტის ოპერატიული მთავარი სამმართველოს მოსამსახურეები; თბილისის მუნიციპალური ბაგა-ბაღების თანამშრომლები; თბილისში რეგისტრირებული სამხედრო ძალების ვეტერანები და სხვ. ამასთან, შეღავათიანი მგზავრობის ტარიფით კვლავაც ისარგებლებენ სტუდენტები, პენსიონერები და სხვა საზოგადოებრივი ჯგუფები. მგზავრობის შეღავათიანი ტარიფით – 0.2 ლარით – კვლავაც ისარგებლებენ დედაქალაქის უმაღლესი და პროფესიული საგანმანათლებლო დაწესებულებების სტუდენტები; საჯარო ზოგადი და პროფესიული საგანმანათლებლო დაწესებულებების თანამშრომლები; პენსიონერები; დედაქალაქის საკუთრებაში არსებული პოლიკლინიკების მედპერსონალი; მანდატურები და სხვ.

მისივე თქმით, მგზავრობის შეღავათიანი ტარიფი – 0.1 ლარი ასევე უცვლელი დარჩება თბილისის ტერიტორიაზე მცხოვრები სოციალურად დაუცველი მოქალაქეებისთვის, რომელთა ოჯახის სარეიტინგო ქულა 70 000 და მასზე დაბალია.

კომისიის თავმჯდომარის რევაზ სოხაძის თქმით, აღნიშნული გადაწყვეტილება ხელს შეუწყობს საზოგადოებრივი ტრანსპორტის პოპულარიზაციას.

კომისიის წევრმა მამუკა გუგუშაშვილმა კითხვით მიმართ შ.პ.ს. თბილსერვისს ჯგუფის უფროსს რომეო მიქაუტაძეს და განმარტება სთხოვა, დასუფთავების მოსაკრებლის გაზრდასთან დაკავშირებით. მისი თქმით, დასუფთავების მოსაკრებელი ყველას უძვირდება თითქმის 100 %-ით. ვილაცებს უძვირდებათ 90 და 110%-ით, მაგრამ საშუალო ზრდა არის 90%-იანი. ეს იმ დროს, როდესაც ბიზნესი ამ პანდემიის პირობებში გამოუვალ მდგომარეობაშია. წინასაარჩევნოდ კახა კალაძემ ბიზნესის "სტიმულირებისთვის" 4.5 მლნ ლარი დახარჯა და ამავდროულად, დასუფთავების მოსაკრებელს 2022 წლის 1-ელი იანვრიდან ბიზნესს უორმაგებს. ამასთან ერთად სხვა პროექტიც არის შემოტანილი, სადაც მხოლოდ რესტორნებსა და კაფეებს 1000 ლარის შეღავათს უკეთებს, განცხადებით რომ მიმართავენ, ჩამოაწერენ ამ დავალიანებას, ვისაც 1000

ლარი აქვს. თან იცის, რომ ბიზნესს დასუფთავების მოსაკრებლის გადასახადი აქვს. ამავდროულად, შემოაქვს პროექტი, რომ დასუფთავების მოსაკრებელს ორჯერ უზრდის. მისი თქმით, ეს იმ ფონზე ხდება, როდესაც "ადამიანები არაფერს აკეთებენ და "მკვდარ სულებად" ჰყავთ "თბილსერვისში გაფორმებული". "წლებია სამსახურში რომ არ ყოფილან, იმ ადამიანების ხელფასის ზრდა ბიზნესმა დასუფთავების მოსაკრებლით უნდა გადაიხადოს.

რომეო მიქაუტაძის განმარტებით, 2022 წლის 1 იანვრიდან მხოლოდ ბიზნეს სექტორისთვის და სუბიექტებისთვის, რომლებიც ეწევიან მომგებიან საქმიანობას დასუფთავების მოსაკრებელი იზრდება. უცვლელი რჩება საყოფაცხოვრებო სექტორისთვის, ასევე იზრდება დაწესებულებებისთვის, მათ შორის, სახელმწიფო დაწესებულებებისთვისაც. მნიშვნელოვანია საზოგადოებამ იცოდეს, რომ დასუფთავების მიმართულებით მუნიციპალიტეტი მნიშვნელოვან სუბსიდიას ახორციელებს, თუმცა არ გვგონია და არავის სწორად არ მიგვაჩნია, რომ მუდმივად ვასუბსიდროთ ბიზნეს სექტორი, შესაბამისად ვიღებთ გადაწყვეტილებას, რომ მათი მოსაკრებელი იყოს ზუსტად იმდენი რამდენიც იხარჯება მათთვის მომსახურების სახით. დღესდღეობით 70% თბილსერვისის დანახარჯები ბიზნეს სექტორის მომსახურებას ემსახურება, ხოლო დანარჩენი 30% საყოფაცხოვრებო სექტორს. პირდაპირ შემძლია გითხრათ, რომ იმის ნახევარია დარიცხვა ბიზნესსექტორზე ვიდრე მათი მომსახურებისთვის იხარჯება. ამდენი წელი ეს პრაქტიკა იყო, მაგრამ მიმაჩნია, რომ ახლა არის დრო, როდესაც საკრებულომ უნდა განიხილოს მოსაკრებლის გადახედვის საკითხი, უნდა გაიზარდოს და მათი გადახდილი თანხა გაუტოლდეს იმდენს, რამდენიც იხარჯება მათი მომსახურებისთვის. მნიშვნელოვანია ისიც, რომ ტურისტული ობიექტებისთვის, კერძოდ კვების ობიექტებისთვის და სასტუმროებისთვის 1-წლიანი 1 000- ლარიანი ვაუჩერი შემოღის. მათ შეუძლიათ 1 წლის განმავლობაში 1 000-ლარიანი ვაუჩერი დახარჯონ და შემდეგ დაიწყონ დასუფთავების მოსაკრებლის გადახდა. ეს არის სუბსიდიის სახით, რომელსაც მუნიციპალიტეტი ამ სუბიექტების სასარგებლოდ გამოყოფს.

საოქმოდ კომისიის წევრმა ლილე ლიპარტელიანმა მოთხოვა შ.პ.ს. „თბილსერვის ჯგუფს“ იმ თანამშრომლების სია, რომელთაც გამოუცვალეს სამუშაო ფორმა და საჭირო აღჭურვილობა.

ურბანული დაგეგმარებისა და საქალაქო მეურნეობის კომისიის თავმჯდომარემ რევაზ სოხაძემ სხდომა დახურულად გამოაცხადა.

სხდომის თავმჯდომარე

რ. სოხაძე

რევაზ სოხაძე